



სათეატრო სალიტერ. ჟურნალი

№ 10 — 1917

კვირა მარტის 5

წელიწადი მხუთე მთვარე

გამოცემისა 15 კ.



დ ე პ უ ტ ა ტ ი
კარლო ჩხვიძე

დროებით აღმას. კომიტეტის (ახალ მთავრობის) წევრი. სახელმწიფო სათათბიროს თაოსნობით თებერვლის 27 შუალამისას შესდგა აღმასრულებელი კომიტეტი, რომიანკოს თავმჯდომარეობით, ჩხვიძის, კერენსკისა და სხ. თანაწევრობით, რომელმაც ძველი მთავრობა დაამხო და ქვეყნის მმართველობის სადავე ხელთ იგდო.

შინაარსი

- 1, მეთაური—ქვიყანა ელისი 2
- 2, დ. მესხი—ახირებული დღიური „ 3
- 3, ივ. გომართეი—პირველი კლასის კუბე (დასასრული) 3
- 4, ვანო ბარველი—არც მატთანე არც თუჟისტორია 6
- 5, ჯაფ რაჭველი—რაქა დარაქველები 7
- 6, მიხ. ბოჭორი შვილი—ვნების ბრკყა-ლებში (დასასრული) 9
- 7, ვ. რატი შვილი—ქართული მუსიკა და ჩვენი კომპოზიტორები 12
- 8 ილო — ვიშ, ქაა! 14
- 9, ღრუბელი—ცხოვრება 15

მარტის 5

ქვეყანა დიდი ცვლილება ისტორიაში უდიდელის! მსხვერპლიდ არა ჰხდება! და რუსეთმაც საკმაოდ დიდი მსხვერპლი გაიღო: ასო-ათასობით გადასახლებულნი, უფლება-აყრილნი, ჩამორჩობილნი რომ არ მოვიხსენიოთ, საკმაოა დავასახელოთ ეს დღევანდელი ომი-ანობა, რომელმაც ამ სამიოდე წლის განმავლობაში ზეცა-კი შესძრა თვისი უდაუერობით

ვინ მოსთვლის რავდენი ასო-ათასი ადამიანის სიცოცხლე განიწირა? ვინ მოსთვლის რავდენი ათეული წლოებით მონაგარი ქონება გასამტვერდა? ვინ დასთვალოს გაოხრებული სოფელ-ქალაქნი? ვინ, ვინ აღრიცხოს ატირებულნი დედანი, ცოლნი და შვილნი?!

გოდება და ტრემლი, ვაება და ვიში გამეფლა ქვეყანაში!

და ვეღარ შეუძლოა ქვეყანამ უპაუხის მგებლო ხელის უფალთა პარპაშს, რომელთა კეთილდღეობა მუდამ ბეჩაფი ხალხის უბედურებაზე იყო და არის დაფუძნებული!...

ისტორიამ თავისი სიქვა.

რუსეთის ერთა რჩეულ წარმომადგენელთა საუკეთესო წევრთ ისმინეს ერის დაღლისი და გუშინ დათხოვნილებმა დღეს თვით დაამხეს ძველი მთავრობა და თავი თვისი ქვეყნის დროებით მმართველად გამოაცხადეს.

ხუთშაბათს დეპეშათა სააგენტომ გვაცნობა: შესდგა სახემწიფო სათათბირთს აღმასრულებელი კომიტეტი, რომლის წევრებადაც არიან: როძიანკო, კერენსკი, ჩხეიძე, შულგინი, მილიუკოვი, კარაულოვი, კონოვალოვი, დმიტრიუკოვი, რევესკი, შილლოვსკი, ნეკრასოვი და ლვოვი.

მოხდა ის, რაც უნდა მომხდარიყო.

რუსეთის მთავრობა შეიცვალა, მაგრამ ამითი საბოლოოვო სიტყვა არა თქმულა.

ქვეყანა ელის ახალ წესწყობილებას, ცხოვრების განახლებას და ესეც იქნება.

ანი თუ ითქვა, ბანიც ითქმის!

ვისურვოთ, რომ ეს ცვლილება ბედკრული ხალხის საკეთილო ყოფილიყოს და ჩვენს მრავალტანჯულ სამშობლოსაც ღირსებოდეს შვებით ამოსუნთქვა.



„ახირებული დღიური“

ორშაბათი.

შავი დღე.....

ავათ არის დიდი კაცი.. დასნეულდა.

დაუსნეულდა სწორეთ ის, რითაც დიდი იყო... რაიც ტურფათ მოსილ ამბიონზე, მაღალ კვარცხლბეკზე აყეებდა მას ჩვენ შორის....

მე მას სნეულს, მერე ასეთს სნეულს არ ვნახავ, ვერ ვნახავ, ვერა!

და არ ვიცი, ვერ მივმხვდარვარ, რა გულით, რა სულით ნახულობენ მას ისინი, ვინც მისი გონების მრევლს შეადგენენ... ვინც მის აზროვნებას ემონებოდენ!!.

მრევლს მოაზრე თავადი დაეკარგა და თვით თავმოკვეთილი დარჩა..

ასეთი სასტიკი სასჯელი ჯერ ქვეყნად არვის შეუქმნია.

ეს ისეთი წამებაა, რომლის მზგავსს ათი-ათასი ჯოჯოხეთიც ვერ მოავლევს თვით უსაზიზღროეს ავაზაკზე..

ის კი მართალი იყო მართალთა შორის...

უმართლესი, უმაღლესი.

საზღვარდაუდებელი განსაცდელია მისი მრევლისთვის.

არც გმინვითა და არცა ცრემლით არ შეიძლება ცოტათ მაინც განელება ამ უბედურობის...

იგი მწარეა თვით ცრემლზე..

ახს!

სამშაბათი

ამ ზამთარში ქვეყანა არ გაათათრებულა აღდრინდულად..

თეთრი სუღარა სულ ორჯერ-სამჯერ ჩამოფიფქა, მაგრამ ერთი, ხან ნახევარი დღით. თეთრი ფერი დღეს თვალს ეხამება.

ზეცას რცხვენია თითქოს და ამ შავ-ღროს, გლოვისა და ძაძების დროს თეთრად სამყაროს არ მოსავს.

არ იქნებოდა შეხამებული ძაძის ფერი, ლურჯი-ლაინი, სისხლის გუბეები, მწარე, შავი ფიქრები და... თეთრი თოვლი.

შავად თუნდა წითლად რა სთოვდეს—

უფრო მოუდგებოდა, მოუხდებოდა და შესაფერიც იქნებოდა ღღევანდელი ვითარებისა..

და რატომ შავად არა სთავს, წითლად არა სწვიმს...

ბარემ მოვიდეს!..

აღამიანი აკი ამისთვის იღწვის, აგერ რაცა ხანია!...

ხარბია მიწაო! ხარბია, პო...

მაგრამ ერთხელ ისიც გაძლება კაცთა ლეშითა და გაიქეფება სისხლით...

დაპატივდება.

კაცთა მოდგმა მოისრება და იქნებ აღსდგეს ახალი ნათესაობა ახალის, თეთრის გულით, თეთრი ზრახვებით, რომ თეთრი ფერი თვალს აღარ სჭრიდეს...

დღეს თვალი თეთრ ფერს გადაეჩვია....

პარასკევი

რა მშვენიერია ჩემი ქათამი, ჩემი ლამაზა .. ლამაზა!—დაფუძახებ და მორბის. პურის ნამტვრევს თითებში მიკორტნის და საყვარლად ღრუჭუნებს...

ლამაზა დავარქვი, რომ დღეს ქვეყნად დამკვიდრებული და გაბატონებული სიმამინჯე სიგონჯე და სიდუხჭირე წამით მადაც დავივიწყო, გულიდან მოვიშორო, როცა ჩემთანაა ჩემი ლამაზა და როცა ვეალერსები. მიყვარს ლამაზა!

კვირა.

ერთ სოფლელთან მასლათი მქონდა. მეტად გულნატკენი იყო ჩვენი გაზელების წერის კილოთი.

„— ღვთის მადლით სახელები კარგი დაურქმევიათ პატრონებს თავის გაზეთებსთვის: **სახალხო, სამშობლო-საქართველო, მეგობარი, აზრი, ცხოვრება,** და სხვა.

მერე რა?


არც ერთი ღირსეულ მეგობრულ აზრს არ უზიარებს მეორეს. სამშობლო-საქართველოსათვის და სახალხოდ თავგანწირული უნდა იყვნენ ყველა, და ნაცვლად ისე უდიერად იხსენიებენ ერთმანეთს, რომ მე, სოფლელს გული მიკვდება, როცა ამ უხანსსა და მწერლისთვის შეუფერებელს სიტყვებს ამოვიკითხავ ხოლმე. გაზეთი ჩემთვის სოფლიდ მეორე პური არსობისაა. ეს კი არა იშვიათად იქ ამონაკითხი ყელში გამეჩხირება დ მახჩობს! ქალაქელი იქნებ შეჩვეულიც იყოს ამ

კილოს, მეკი, სოფლელს იგი ვერ მომიწელებია.

და ახლა ვფიქრობ: მართებული კი იქნება ჩვენ, სოფლელებმა პირი შეგკრათ და მოვთხოვოთ გაზეთების პატრონებს—ან დაავადონ ეს უმართებულო კილო და შემარცხვენელი უნარი წერისა, ანა და.....

შეგვიცოდონ, უგაზეოობა არ შეგვიძლია.

ისმინე ისრაელ!....



პირველი კლასის კუბე

(დასასრული. იხ. „თ. და ცხ.“ № 9.)

ერთხელ ანტონი ბაქოში მიდიოდა საქმის დასაცავათ. პირველი კლასის კუბეში ის და ერთი ახალგაზრდა ქალი ერთათ მოხვდნენ.

გზაში მგზავრები აღვიღათ მალე ეცნობიან ერთმანერთს.

ანტონი მალე დაუმეგობრდა კიდევ ქეთოს, რომელსაც ბაქოში და ჰყოლოდა გათხოვილი და მასთან მიდიოდა.

მთელი გზა ანტონმა და ქეთომ მუსაიფში გაატარეს მზიარულათ და დრომ ისე გაიბინა, რომ არც კი შეუშინევიათ.

— ნუ თუ ახლა მე და თქვენ ერთმანეთს სამუდამოთ უნდა დავშორდეთ? წარმოსთქვა ანტონმა, როცა მატარებელი უკანასკნელი სადგურიდან დაიძრა.

— ძალიან დაგწყდებათ გული?

— მე ძალიან. თქვენ?

— მეც ძალიან დამწყდება.

— მაშ რა ვქნათ?

— არ ვიცი გადიკისკისა ქეთომ.

— მოდი, ერთმანეთი შევიყვაროთ.

— ვუარესია, უფრო გაგვიძინელდება ერთმანერთის დაშორება.

— არა, ვერ გაიგეთ. ისე შევიყვაროთ, რომ ერთმანერთს აღარ დავშორდეთ.

— მე არაფერი არა მაქვს წინააღმდეგი.

— ხუმრობთ?

— იმდენათ, რამდენადაც თქვენ.

— მაშ დაჰკარით ხელი.

ქეთომ სიცილით ხელი ხელზე დაჰკრა ანტონმა ხელი მოუჭირა და ზედ აკოცა.

— თქვენ იქნებით ჩემი ცოლი.

ქეთო ჯერ გაშტერდა, რადგანაც ხუმრობა ეგონა, მაგრამ როცა დარწმუნდა, რომ ანტონი არა ჰხუმრობდა, შეაჩერდა, სახეზე წამოწითლდა, თვალებზე ხელები მიიფარა და რამდენიმე ხანს ასე იყო, თითოქს ფიქრში იყო ვართული. შემდეგ ანტონს ხელი ჩაჰკიდა ხელში და ჩუმათ ფანჯარაში დაწყო ყურება.

ანტონი პარდაპირ ქეთოს დასთან ჩამოხტა.

ქეთოს და მარო ექიმი ვასილის ცოლი იყო.

როდესაც ამით გაიგეს ქეთოსა და ანტონის უცარი შეგულება, მეტათ გამხიარულდნენ.

— ასე უნდა მაში გაიძახოდა ვასილი. უცებ, უცებ!

ანტონი ორ კვირას დარჩა ბაქოში და თფილისში ჯვარდაწერილი დაბრუნდა.

წლები მიდიოდნენ. ანტონი და ქეთო ტკბილათ სცხოვრობდნენ.

— ისეთი ცოლი შემხვდა, როგორიც მე მინდოდა, ხშირათ იტყუადა ხოლმე ანტონი...

ქეთო უკვე სამი შვილის დედა იყო.

ზამთარში სამივე ბავში ყვიანა ხველით დახდნენ ავით. გაზაფხულდა თუ არა, ექიმის რჩევით ანტონმა აგარაკზე გაგზავნა ცოლშვილი. თვითონ ორ კვირეში ერთხელ დადიოდა სანახავათ.

— მიცანით? წარმოსთქვა ახალგაზრდა ქალმა, როცა აგარაკიდან გამობრუნებულნი ანტონი პირველი კლასის კუბეში ჩაჯდა.

ლამდებოდა და კარგათ არა სჩანდარა. ანტონი ჩააჩერდა ქალს.

— ვერა! წარმოსთქვა მან.

— რამდენი ხანია, ერთმანერთი აღარ გვინახამს! გამოცვლილხართ.

— უკეთესი ვარ, თუ უუარესი?

— არა, უკეთესი ხართ.

— სამაგიეროთ თქვენც გამოცვლილხართ, გასუქებულხართ.

— ესე იგი დაეუწნოებულვარ, არა?

— სრულიადაც არა. ზომიერი სიმსუქნე ქალს უხდება.

ორივე გამხიარულდა.

— მე ვიცი, თქვენ როგორ შეირთეთ

ცოლი. ძალიან მინდოდა თქვენი ნახვა, მაგრამ... რა ვიცი! დაიწყო ვერამ და აღარ გაათავა.

— იცით, რომ მე გავთხოვდი? წარმოსთქვა მან ერთბაშათ.

— ვიცი.

— ჩვენ სულ გვინდოდა თფილისში ვადმოსვლა, მაგრამ ჯერ როგორღაც არა ხერხდება, არ ვადმოჰყავთ ჩემი ქმარი.

— შვილი რამდენი გყავთ?

— წარმოიდგინე, არც ერთი! ისე უბედური ვარ, ისე, რომ ვერ წარმოიდგენ. ამოიოხრა ვერამ და მოწყენა დაეტყო.

— რა დაგემართათ?

— რა ვქნა. რაც შეგვიძლია ვცდილობთ, მაგრამ არა გამოვდარა. იოხუნჯა ვერამ. აი ახლა თფილისში მოვდივარ საექიმოთ, ქმარმა აღარ დამაყენა.

— მოგცლიათ!

— როგორ?

— რა საჭიროა ახლანდელს დროში შვილი? ჯავრი, ხარჯი, შრომა, დავიდარება და სხვა არაფერი.

— ნურც მაგას იტყვიო. ოჯახი უშვილოთ არ ვარგა. ცოლქმარს შვილი ერთმანერთთან აკავშირებს. წარმოიდგინე, გულში ჩემს ქმარს ვემდური, გული მწყდება იმაზე, რომ შვილი არა მყავს, და დარწმუნებული ვარ, ის მე მემდურის თავის გულში. რას ლაპარაკობთ! შვილი დიდი ბედნიერებაა, დიდი.

თფილისამდე არ დაღუმებულან. ვერა ძველებურათვე მხიარული იყო, ხუმარა, ცქრილა.

— სასტუმროში ხომ მიმაცილებთ?

— დიდის სიამოვნებით.

ერთათ ჩასხდნენ ეტლში და სასტუმროსაკენ გამოემართნენ. ვერას გვერდით ჯდომამ ანტონში გააღვიძა ძველებური გრძობა და ამ ქალის მოხვევისა და კოცნის სურვილი დაებადა.

ორივე ჩუმათ იყო.

— ნუ მომშორდებით ჯერ, დავსხდეთ სასტუმროში და ვილაპარაკოთ. ჯერ კიდევ ბევრი რამე მაქვს სათქმელი. ჩვენ ხომ ძველი

მეგობრები ვართ. წარმოსთქვა ვერამ, როცა ეტლი სასტუმროს წინ გაჩერდა.

ანტონი დაემორჩილა. მას ახლა პვეითონ უნდოდა ვერასთან დარჩენა.

— ანტონ, ანტონ! რამდენი ხანია, ერთმანერთი აღარ გვინახავს! წარმოსთქვა ვერამ, როცა ოთახში დაბინავდენ და ანტონს ხელი ხელზე დაადვა.

ანტონს რაღაც სიტბომ დაუბრუნა მთელს ტანში.

— მე კი ძალიან მინდოდა შენი ნახვა. აი ახლაც პირდაპირ იმისთვის წამოვედი თფილისში, რომ შენ მენახე.

— ვეჭვობ.

— გეფიცები.

სიჩუმე ჩამოვარდა. ვერას აღელვება ეტყობოდა. ტუჩები გადაფეფქვილი ჰქონდა და ხელი ოდნავ უკანკალებდა.

— იცი ანტონ! დაიწყო მან ერთბაშათ, მე შენთან დიდი, ძალიან დიდი საქმე მაქვს.

— შიბძანე.

— თუ არ აასრულებ. სიტყვა მომეცი, რომ არ გამკიცხავ, არ დამცინებ, არ დამამცირებ და გარყვნილ, ზნე დაცემულ ქალათ არ მიმიღებ.

— რას მეუბნებით!

— მე უშვილო ვარ. ვიცი, რომ მიზეზი ჩემი ქმარია. გავთხოვიდი სიყვარულით, მაგრამ როცა დავრწმუნდი, რომ მე ჩემი ქმრისაგან შეფლი არ მომეცემა, მას აქეთ ამ სიყვარულს რაღაც გამოაკლდებ, ის თითქოს იღვავა კიდვე. მეშინია, რომ მთლათ არ დაჰქრეს, — მაშინ ხომ ერთად ცხოვრება შეუძლებელი იქნება, შენ იცი ჩემი ხასიათი. არ იფიქრო, რომ მე ჩემი ქმარი არ მიყვარდეს: ძალიან მიყვარს, მაგრამ უშვილობაზე უმეტესი უბედურება მე ჩემთვის ვერ წარმომიდგენია. დარწმუნებული ვარ, რომ იგივე ემართება ჩემდამი გრძობას ჩემი ქმრის გულში. შეუძლებელია, რომ ყოველი უშვილო მამაკაცი გულში ცოლს არ ემდუროდეს: სხვა ქალი რომ შემერთო, შეილი მტყობლობდაო. ჩემი ქმარი სწუხს უშვილობას, ძალიან სწუხს; დარწმუნებულია, რომ მე ვარ მიზეზი. ეს სამი თვეა, ჩამცივებია, თფილისში წადი იწამლეო. მაშასადამე ერთათ

ერთი საშუალება ჩვენი ოჯახის სიმტკიცისა და ბედნიერებისა ის არის, რომ მე შეილი მეყოლოს.

— თქვენმა ქმარმა იცის რომ ის უშვილოა?

— საქმეც მაგაშია, რომ არ იცის.

— მაშ თქვენ საიდან იცით, რომ ის არის უშვილო?

— ვიცი, ვიცი, მაგრამ როგორ, საიდან, ეს განა სულ ერთი არ არის! მე თქვენა გკითხავთ, რა უნდა ვქნა?

— თუ შეილი გინდათ მაინცა და მაინც, ქმარს უნდა უღალატოთ.

— გამკიცხავ, რომ აგრე მოვიქცე? ნუ დაგავიწყდება, რომ ამ ღალატის ერთათ ერთი სარჩული ის იქნება, რომ მე დედა გავხდე, დედა და ამით სიყვარული და ოჯახი შევიწარმუნო.

— ვერ გავკიცხავთ. თუ ცოლმა იცის, რომ მისი ქმარი უშვილოა, უშვილოთ კი უბედურია, სრული უფლება აქვს ქმარს უღალატოს შეილის შეძენის გულისათვის. ყოველ ქალს უფლება აქვს, დედა გახდეს. მაგრამ ვერ წარმომიდგენია, როგორ განამტკიცებს ოჯახში სიყვარულს ის ბავში, რომლის მამაც სხვა იქნება, ოჯახს გარეშე მდგომი?

— ბავში იქნება კავშირი მე და ჩემ ქმარს შუა, ის გახდება ორივეს საერთო საზრუნავი, საერთო სიყვარული.

ანტონი ჩააჩერდა ქალს თვალებში, რომლეშიც ერთად იყო არაერთი თხოვნა, ვედრება, მუდარა, შიში, სირცხვილი, კრძალვა.

ანტონი შეკრთა, გულმა მგრად დაჰკრა და ძვერა დაიწყო. მას ტანში დაურბინა იმ ჭრუანტელმა, როგორც საცოლ ოს პირველმა კოცნამ აგრძობინა, და ვერა გულში ჩაიკრა.

ანტონი ეკროდა ვერას, გიჟურის აღერსით უკოცნიდა ტუჩებს, თვალებს, ლოყებს, კისერს...

ერთ თვეს გაგრძელდა მათი ნეტარება. ანტონი ცოტა ხნით შედიოდა სახლში, დამეს კი სულ ვერასთან ატარებდა სასტუმროში. ვადაზე ცოლს შეუთვალა, საქმეები მაქვს და ამა და ამ რიცხვადე ნუ მელიო.

ვერას წასვლის შემდეგ ანტონმა მალე ჩამოიყვანა ცოლშვილი.

— ისეთი მშვენიერი ადგილია, ისეთი, რომ ყოველ ზაცხულს იქ უნდა წაეყვანო ბავშები. როცა იქ სივრლით ვსტუმბოვდი მდინარის პირას, მაგონდებოდა, შენ რომ აქ სიცხეში იხრაკებოდი, და გული მეწოდა. ეუბნებოდა ქეთო ქმარს.

— სიცხეს მე შერვეული ვარ და არ მწუხებს. წარმოიდგინე, ზამთარს ყოველთვის ზაფხული მიჩვევია, რაც უნდა ცხელი იყოს უმტკიცებდა ანტონი.

ვაზაფხულზე ანცონმა წერილი მიიღო ვერასაგან, სადაც სხვათა შორის სწერდა:

ჩემი ბიჭი ახლა ერთი თვისა არის, მაგრამ სამი თვისასა ჰგავს. თორმეტ გირვანქას იწონის. დღითი დღე იზრდება და მსხვილდება. საშინლათ უყვარს ვანა“.

ფ. მ. მ. მ.

არც მატონე არც თუ ისტორია

შესავლის მაგიერი

...ჰო და თვალთვალ გატაცებული რამდენიმე მოწაფე შევკარბებოთ.

ტანიაც და წდოვანებითაც უველახე მატონე მე ვიყავი. გიმნაზიაში ვსწავლობდი... ის იყო შესამე კლასში გადგედი. საზაფხულად და სვენებისათვის ვიუავით დათხობნიდნი...

რომ მერე არ დამტორდეს ჩუენ წრის წევრების სათითად აღწერა, ესლავე ხელმისით და მოკლე ბიოგრაფიული ხაზებით, ანუ მონახულობით გაგაცნობთ უველახს!

დავიწუებ ჩემიდან...

მაგრამ უკაცრავად, რომ აკავინ შემწამოს უზრდელობა და ქართულური ჩვეულების დაფიქვება, ზრდილობისამებრ სხვას დაუთმობ ზირველობას.

მაშ ასე!

ჩუენს წრეში იყვნენ: ვინმე ვანიჩკა ხიხობილდე, სტენის მოუვარე—(შემდეგში ექიმი)— განსაკუთრებით კომიკურ როლებზე და აგრეთვე უველახ კომედიებისა და ვოდევილების რეჟისორი.

მიმა ბეკიჩი—(უნივერსიტეტის გათავების შემდეგ მომრიკებული მოსამართლე)—დრამატონე

ული გმირების მოთამაშე, ტოგოლის „შემდლის წერილების“ მკითხველი და უველახ ტრადელების და დრამების რეჟისორი, (კატკათ დაიხსომეთ წრის დასის მეორე რეჟისორი).

ლამაზი გრიმა ვიტარისტი—(უმაღლესი სწავლის დამთავრების შემდეგ სახემწიფო ქონებათა უწუების მოსედე)—ახალგაზდა მოარშიეთა როლების მოთამაშე.

ძმა მისი იოსკა მოტეკვავე—(ესლახ უველახ ექიმის დიზლამი აქვს)—სხეციალურად გლეხების როლებს ასრულებდა.

მიმა ანჯუენი, აზოლონ ბეღვედერის სილამაზით დაჯილდოებული—(ესლახ ექიმობს)—ვერც ერთ როლს ვერ მოუდებ, წრის ხასინადარი.

სამა ინოშოურული—(არც ერთი უნივერსიტეტის დიზლამი არა აქვს)—განსაკუთრებით ქუთათურ ებრახელების როლებს მოთამაშე, დიდი ფართი-ფურთის ვინმე, წრის აღმინისტრატორის უფლებით აღჭურვილი, (ესლახ რუსის ჯარის ოფიციალია*).

მარო მატონე—(ესლახ უველახ ქართული სტენის ცნობილი მსახიობი ქალი)—იმ თავითვე უოველახიანი როლის სინდისიერათ აღმასრულებელი.

კოწია მდვდლიანი—(ვერძო მინდობილობათ მოსედე)—მსოლოდ და მსოლოდ კლასიკური როლებს განმასხიერებელი.

დევენ მევირალა—(იმუოფება იქ, სიანდნად არც ერთი მეზავრი უკან აღარ დაბრუნებულა)—დრამატული რეჟანიორების წარმომადგენელი.

მლატონ ბოთლიანი—(სიმღერის მადლა და მწუბო, უთვალავი ბოთლებით დღინის მსმელი)—დრამატულ-კომიკურ-იდილიკურ-სახსისათო როლების გადმომტეში და...

მე!—(ამბობენ: ისე ერთი შეხედვით მსახიობს გვეხარო! თუ ეს თქმულება ოდნავთაც არის სიმართლეს წავაგვს, ვაი ქართულს დრამატულ ხელაფნებას!)—მოკანახე, სტენაროუსი, სოხინიკა, ნერვიული, სახსისათო, იმერული, ახალგაზდური, მოსუტეპულების, შუახნის, ბავშვების, სულელური და ჭკვიანური როლების წარმომოქმედი!

ჰო, მართლაც, ბოდიში!

მაგრამ ჩემი ბრალი არ არის, რადგან ჩუენი წრის მოდვაწეების დასასრულს შემოკვიერთ

და და ამიტომ ბოლოში მოქცა იმისი ვინაობის აღსუსხვა.

შალვა კი ბიჭი—(ცნობილ მსახიობის შთამომავალი)—მოკრევე, მოხდენილი, იმ თავითვე ენა-მტკვრი, ცნობიანი... საერთოდ, გამოსადეგი.

ეს და ყველა ესენი შევიკრიბეთ... შემდეგი სხვა რომელიმე ნომერში იყოს!

ვანო ბარველი

რაჭა და რაჭველები

(წერილი მეგობართან)

I

ძვირფასო მეგობარო! ამას წინეთ შეგზირდით მომწოდებინა ჩემი მოსაზრებანი რაჭველთა და რაჭის მასრის შესახებ. აი, ვასრულებ ჩემს დაზიარებულს და მოგასხეპთ შემდეგს: რაჭის მასრა ერთი უდიდესი მასრას ჩვენი სამშობლოსა, მასთანაც უკად მშრომელი და ბეჭითი ხალხით დასახლებული. ჭარბი რაჭაში შემეტათ სადი და მშენიერება, მოსავალიც ვიწრო რიონის პირებზე ნოყიერი იდის, მაგრამ მთავარი უბედობა რაჭველთა მიწის სიფიწროვეში მდგომარეობს. რაჭაში ადგილების საარაგო ფასებს მხოლოდ ქალაქ ადგილებში არსებული მიწის ფასები თუ შეედრება, და სწორედ ეს საშინელი მიწის სიმდიდრე და მისით გამოწვეული სიძვირე, რაჭველებს ჭბორკავს და მიუსუდავთ მათი სიმხნე-გარჯისა, სიღარიბისათვის თავი ვერ დაუსწევიათ: თითქმის რაჭველები მუთხედი სამშობლოს გარეთ არიან გასვლნი, სადაც სხვადასხვა გზარ ვაჭრობა-მრეწველობას და მოსამხარურობას ეწევიან, და თავის ნაზოგარ ნაშთგარს რაჭაში ჭბოანნიან. რომ ვანგარიშით ყოველ წელიწადს რაჭაში ნახევარ მილიონ მანეთზე მეტი ფული შემოდის, სხვა პირებებში და სხვა ადგილას ამდენი ფულით ბევრი რამ გაკეთდება და რაჭისათვის კი ეს ამოდენა შემოტანილი სიმდიდრე ფერფლსავითა ქრება, და რაჭველები, როგორც მოგასხეპთ უკეთესობისკენ ვერ მიდიან. ხშირათ იმ რაჭველს, რომლისთვისაც გარეთ ბედს გაუღიმიება და უმრავლი ფული უშოვია, რაჭაშივე მორბის, და სულ იმის ცდაშია, რომ ათი ზრმა ფასის გადახდით მეზობელს რამდენიმე სუენი მიწა ჩამოუჭრას. როგორც ხედავთ, რაჭველი მოტანილი ფულით მამულს ვერ იფართობებს, მეზობელს კი უკანასკნელ მიწის ხელიდან აფრქვინის. და დროებითი გამრჯებით ყოფილობის. რაჭველებს ჯერ კიდევ ვერ შეუგნიათ, რომ რაჭაში მიწა არ იშოება, და აქ ფულის დაბან-

დება მოცდენა ცარიელი წელის ნაყვას, ფასების დახარბებით ერთის ხელიდან მეორისაკენ ადგილის გამოკლევა, რაჭველებს ფულიდანაც სტლის და მასთან შერს, მტრობას აძლიერებს.

II

რა ბედნიერი ვიქნებოდით, როგორც ჩვენ ისე რაჭველები, რომ მათ დღევანდელი ქვეყნის მდგომარეობა გათვალისწინებული ქმედით, მათ შინ დარწმუნებით შემოდინა მოგასხეპთ, რომ ჩვენი კეთილდღეობა საგრძობლათ წინ წაიწვიდა, რადგანაც დღესდღეობით ქართველებს მიწა გვიანდა, და მისი მოსამკებელი სახსარიც. დღევანდელს პირობებში არავის არ უჭირს უმიწობით ისე, როგორც რაჭველებს (გარდა მთავრობის და სვანებისა) და არც არა რომელი ხალხს არ შეუძლიან რაჭველების ოდენი ფული მოახერხოს, რადგანაც რაჭველები სხვა ქართველებზე უფრო დახელოვებულნი არიან ფულის შექნაში.

ჩვენი თქრით შორს ადარ არის ის დრო, როცა მიწის მუშას, რკინის „ვაჭრობა“ და რკინის ხარ-კამეჩი მიეძევადა, მაგრამ ვინ რაში უნდა გამოიყენოს ასეთი რკინის ძალები, თუ მას მიწა არ ექმნება? უნდა ვიჭინოთ აგრეთვე მხედველობაში, რომ მომავალში გაუმჯობესებული ტექნიკით მუშაობა შესაძლებელი იქნება ვაკე და სწორ ადგილებში, დრეკადენი კი ისევ ძველს პირობებში დარჩებიან, რადგან ბუნების წინააღმდეგ ადამიანი უდობია.

სწორედ ამ მოსაზრებით და სხვა მოსაზრებთაც, საჭიროა რაჭველებმა აჩქარებით ხელში ჩაიკიდონ ის აუარებული, ფას-დაუდებელი მიწა-წაღი, რომელიც დღეს ჩალა ბზის ფასით იყიდება, და რომელ ადგილებსაც ქორივით უტრიალებენ ჩვენი მტერ-მოყვარენი.

რაჭველებს თავისუფალი ფულით შეუძლიანთ შეიძინონ, დღეს ჩვენი უმეტადინობით აბუნად აკლებული ველ მიწდგურები. სადაც ერთი და ორი გერას გახდება, იქ უნდა შესდგეს ამხანაგობები ათი-ოცი და მეტი კაციისაკენ შემდგარნი და შემდეგ შეუძლიანთ გაუნაწილონ ეს მამულები, როგორც სხვა ქართველებს აგრეთვე რაჭველებსაც.


საჭიროა ამ ფრთხილ დიდმნიშვნელოვან საკითხს, ყოველი შეტნებული რაჭველი გულთ და სულთ მოეკიდოს.

წერილის დასასრულ საჭიროთ მიგვანხია აღვნიშნათ, რომ ქართველთა თავისუფალ მიწებზე გადმოსახლების საკითხს მეტათ მხურვალე გულთ მიეგება „თბილისში“ მცხოვრებ ინტელიტანციის ერთი ნაწილი, რომელიც იმედას, თავის დაზიარებას, ფორმის გარეშე, საქმიანად შესრულებს.

ჯაფა რაჭველი

*) აფიცერი.

კახეთის საკრებულო და შემნახველ გამსესხებელ ამხანაგობათა კავშირის გამგეობა




იოსებ (სოსო) ივანეს-ძე
მაჭავარიანი

დავით პეტრეს ძე
ლუკაშვილი

დავით ნიკოლოზის ძე
ქადაგიძე

Handwritten note in red ink:
1890
საქმის
ქადაგიძე



მგოსანი გ. ქუჩიშვილი
დღეს სახელსო სახელში სადიტერატურო დილასა მართავს.

ვნების ბრძენებში

სურათები სუთ მოქმედებად მის. ბოჭორიშვილისა
(იხ. „თ. და ც.“ № 6, 7, 8, 9)

მოქმედება მისუთი

იგივე ოთახი, რომელიც მეორე მოქმედებაში. თაროზე მწკრივად დალაგებულია წიგნები, საერთოდ ოთახი სუფთად მილაგებულია, ისმის ქექა-ქუხილი. დროგამოშვებით ელვის ხაზი შემოანათებს ფანჯარაში. სახლის სახურავიდან წყლის სახურავიდან წყლის ჩხრიალი მოისმის. მაგიდასთან ზის :ოლოლი და წიგნს კითხულობს, დიოგენი ღია ფანჯრიდან სივრცეს გაჰყურებს. ეყთხანს ღუმელი. დიოგენი ფანჯარას მოსცილდება და მოღუნებული დაეშვება სკამზე.

I

ალოლ და დიოგენი

ალოლ. (კითხვას თავს ანებებს, მივს დიოგენთან და მოფერებით) შეუძლოთ ხომ არა ხარ ჩემო სიცოცხლე?

დიოგ. უსიამოვნოდ გაიქნეხს ხელს) თავი დამანებე მეთქი.

ალოლ. ნუ თუ ასე მალ მალე მოგბეზრდა ჩემთან ცხოვრება?

დიოგ. მოთმინებიდან ნუ გამომიყვან! დამეხსენს! შენ დაჰგავე ოთახი ასე სუფთად? შენ ჩაამწკრივე წიგნები რიგზე? (თარდას წიგნებს გადმოჰყრის) არ მიყვარს წესრიგი, არ მიყვარს, რადესაც ყოველსვეს ჩვეულებრივი ელფერი აძევს. მეზიზღები, როდესაც ყოველივეს ჩვეულებრივ დედა-კაცს ვჰკრეტ. რა საშინელია ასეთი ცხოვრება. მომშორდი, წადი აქედან აქედან, თორემ გეფიცები ვერ ვძლევ უკეთურებასდა ხელით შეურაცყოფას მოგაყენებ. ■

ალოლ. მცემე! მცემე! მაინც ვერ მოგშორდები, სად წავიდე სუსტი უმწყო დედა-კაცი, როდესაც ყველა ჩემს წინააღმდეგ ამხედრებულა? ხალხი ყოველგვარ უბედურების მიზეზად მე მხდის.

დიოგ. ნუ იქნები სუსტი და უმწყო. ისევ მიჩვენე შენი ცეცხლ მფრქვევი თვალე-ბი, ისევ შეიმოსე იღუმალებით ეგ სახე, წადი ალოლ, დროებით მაინც გამშორდი, რომ კვლავ აღსდგეს ჩემში სურვილი შენდამი ძიებისა. უნთან ცხოვრება არ შემიძლია! შენს სიყვარულს მომტაცებს, წამართმევს შენი სიახლოვე.

ალოლ. რა არ გინდა გაიგო, რომ მე უშენოთ სიცოცხლე აღარ შემიძლია. (სტირას)

დიოგ. (სელს კიდებს და თვალებში ჩაფქვრდება) რად ჩაჰქრა ცეცხლი შენს თვალე-ბში, რად დაჰკარგე იღუმალი ძალა, რომელიც შენსკენ მიზიდოდა?

ალოლ. როგორ მიცქერი, მეშინია!

დიოგ. ოჰ, რომ შემეძლოს აღავადგინო ჩემს ჩულში ის ტკბილი ოცნება, რომელიც შენს სახეს ღვთაებრივ შარავანდელით ჰფენდა, რა ბედნიერი ვიქნებოდი, მაგრამ ეხლა შენში მხოლოდ დედა-კაცს ვხედავ, ქმრის მანა მორჩილს.

ალოლ. და იმიტომ გეზიზღები?

დიოგ. დიახ, მიყვარხარ და მეზიზღები! მე მიყვარს ალოლის სახე, რომელიც სრულიად მოულოდნელად შემოიქრება ჩემ მართობაში და მეზიზღება ის რომელიც მუდამ ჩემთან არის, რომელიც მუდამ ჩემთან არის, რომელიც ყოველ ჩემს სუნთქვას იზიარებს. ყური დამივდე ალოლ! არ ვიცი რად მეგავრება ასე ჩემი ცხოვრების ბედნიერი წუთები, არ ვიცი რად მიჰყრობს ასეთი უსახლგრო სასწარკვეთილობა, როდესაც ბედნიერების ახლო მიხდება გავლა. არასფერი ისე ცუდათ არ მოქმედობს ჩემზე, როგორათაც სურვილის განხორციელება. ძიების დროს ჩემი სასწარკვეთილება ამაყი და მედიდურია მხოლოდ როდესაც ძიების მიზანი ახლოვდება იგი ჰკარგავს ამ სიამაყეს.

ალოლ. რად წამომიყვანე მონასტრიდან, თუ ჩემთან ცხოვრება არ შემიძლია? ეხლა სად წავიდე, ვის მივმართო? (სტირას)

II

გიანოე და ლიზა

ლიზა. რად სტირი ალოლ; რა გემართება?

ალოლ. გიკვირს განა? ცრემლები ხომ მუღმივი ჩემი თანამგზავრია მხიარულობისა და სიმწუხარეში?

ლიზა. მდინარემ გადმოხეთქა ნაპირებიდან. საუცხოვო სანახავია, არ წამოხვალ საყურებლიად?

ალოლ. ეხლა საშიშარია მდინარესთან მიახლოება.

ლიზა. მაშ მე წავალ მარტო! (გადის)

ლიოგ. (მიდის ფანჯარასთან და შორეულ სივრცეს გაჭეუბებს) ხა! ხა! ხა? ალოლ შეხედე გიორგის როგორ აბუზულა?

ალოლ. საბრალო! უთუოდ გზაში მოუსწრო ნიაღვარმა. (გადის მისაკებულად).

ლიოგ. დღეს მშრომელი ხალხი მოწამე უნდა გახდეს თვისი სრული განადგურების. როგორ ჩამოხნულდა შესაძლოა მალე სეტყვაც წამოვიდეს.

III

ივანივე და გიორგი

გიორ. რას გასკქერ უსახდრო სივრცეს ბრძენო დიოგენ! ვინ იცის ეხლა შენს თავში რა მიუწოდომელი ფიქრები არ მუშაობს, მაგრამ ფანჯარა მაინც მოხურე, თორემ გეფიცები ნიაღვარი არც შენ დაგინდობს და შენს მსუბუქ ფიქრებსაც გაიტაცებს. ალოლ! ალოლ! არაყი მომიტანე, თორემ ხომ ხედავ ისე ვცახცახებ, როგორც ვერხვის ფოთოლი.

ალოლ. ეხლავე ძიაე! (გადის).

გიორ. დიოგენ!

დიოგ. მესმის!

გიორ. რაღა აქვს ალოლს ნამტირალევი თვალები?

დიოგ. უთუოდ მის წამწამებშიც მოსწვიმა.

გიორ. მერე რისთვის?

დიოგ. უთუოდ ძია გიორგი მოენატრა.

გიორ. დიო! დიო!

დიოგ. ჰმ! რა გნებავის!

გიორ. ნუ სტანჯავ საბრალო ბავშვს.

დიოგ. მე შეკითხვები?

გიორ. არა! ეს პირდაპირ შეუწყნარებელია თქვენის მხრივ, ეს ვერაგობაა, ამას ვერ მოვითმენ!

დიოგ. (შკაფრად) მერე! მერე!

IV

ივანივე და ალოლ

ალოლ. ჰა, ვადაჰკარ ძია.

გიორ. (სვამს) კიდევ დამისხი.

ალოლ. მიირთვი (უსხამს)

გიორ. (ცანაუდ ჭიქას თავდაუიხა დაუ-

შეებს.) აი, ასე თავდაყირაა ყოველივე თქვენს მეცნიერებაში. რა თავში ვიხალო თქვენი მეცნიერება, როდესაც ასეთ მოულოდნელ უბედურებისაგან ვერ უზრუნველ გვყოფს? მთელი სოფლის სარჩო ნიაღვარს მიაქვს. თქვენ-კი ჩაკეტილხართ ოთახში, და იმასაც-კი არ უწევთ ანგარიშს, თუ რა ხდება თქვენს ირგვლივ.

V

ივანივე და დედა დიოგენის

დედა. ბატონ გიორგის სალამი.

გიორ. დედობილო, ვიღუპებით არა?

დედა. ცოდვა ტრიალებს. საბრალო გოგიას ქვრივის ქოხი გაიტაცა ნიაღვარმა, ვერასფერი ვერ გადაარჩინეს. ილოცეთ შეილგებო, იქნებ ღმერთმა შეგვიბრალოს.

დიოგ. ცამდის ვერ აღწევს მიწიერი ლაღადი, ქვეყნიურ ზრუნვით დამძიმებული. ლოცვა არ იწვევს სიბრალულს მრისხანე შემოქმედის გულში.

დედა. ყოვლად მოწყალე არის უფალი.

ალოლ. ნუ თუ ამ რამოდენიმე წუთის მსხვერპლი უნდა გახდეს მთელი წლის ნაშრომ-ნაღვაწი.

დედა. ვილოცოთ შეილო!

დიოგ. ხა! ხა! ხა! ილოცეთ, ილოცეთ! უფალმა ისმინა ამ ქოხებიდან ზეცად აღვლენილი ლოცვა-ვედრება და აი ნიშნად სიბრალულისა სეტყვაც წამოვიდა (შაისმის სეტყვის ერთ ხსრიალი).

გიორ. ღმერთო ჩემო, გაფუქდა ვენახი. რაღა ვქნათ, რა გვეშველება?

დიოგ. გესმისთ? (ისმის აჩქარებული ზარის ხმა დიოგენის დედა ბარჯჯურის წერით გადის)

დიოგ. საბრალო ხალხი! ამით სურს სძლიოს საშინელ სტიქიონს. როდემდის უნდა გასტანოს ასეთმა ცრუ მორწმუნოებამ? როდის უნდა დაიხეს ის ბნელი ზეწარი, რომელიც აბნელებს ხალხის გონებას?

VI

ივანივე და ლიზა.

ლიზა (შემოხმის) სეტყვამ თეთრად დაფარა მიწა. ხალხი შეითხავის დერეფანში იკრიბება, პლატონი ჩვენსკენ მორბის გაჩქარებული. მეშინია ცუდი არასფერი მოხდეს.

VII

იგინივე და პლატონ

დიოგ. რა რიგ დასველებულხარ? მინდვრად მოგსწრო სეტყყვამ?

პლატ. გიგოს ქვრივის ეზოში ვიყავით თავმოყრილი, საბრალო ძლივს გადავარჩინეთ, წყალში უნდოდა თავის დარჩობა. როდესაც სეტყვა წამოვიდა, საბამ დაიძახა; ღმერთი გვსჯის ცოდვებისათვის. რცა ის ურჯულონი ერთად ცხოვრობენ, ღმერთს ჩვენთვის მოწყალების თვლით აღარ გადმოუხედავს, წავიდეთ მკითხავთან, იქნებ გვირჩიოს რამეო.

დიოგ. ხა! ხა! ხა! რა თქმა უნდა, ხალხი დასთანხმდებოდა,

პლატ. დიახ! და მკითხავიც ასეთი სიტყვებით მიეგება ხალხს: „რღა ჩემთან მოდიხარო რჩევისთვის, თქვენც უნდა გრძნობღეთ რისთვის ისჯებით. თვეზე მეტია რაც მონასტრიდან გამოქცეული ქალი ჯვარ დაუწერელად სცხოვრობს თვის მეუღლესთან განა ღმერთი ასეთ დანაშაულს გაპატიებსო? ხალხი აღელვებულია დაუჩქარეთ აქედან წასვლა, ვშიშობ ცუდი რამ არ მოხდეს!“

დიოგ. მერე?

პლატ. ხალხის დასამშვიდებლად მაინც დაიწერეთ ჯვარი, ან წალით აქედან, ვიდრე სოფელი ამ მოვლენას დაივიწყებდეს.

დიოგ. ხა! ხა! ხა! შენ მეუბნები ამას ჩემო პლატონ? იქნებ შენც ეპვი შეგაქვს, რომ ჩვენა ვართ ყოველ უბედურების მიზეზი?

პლატ. მშვიდობით! მე ვიჩქარი გავიგო რა ხდება იქ. (გაღის ვუკლა განცვიფრებულა)

ლიზა მეშინია! მეშინია დედა! დედა! (გაკბის)

ალოლ. წავიდეთ ბიძავ, ისევ მიმიღე შენს ქერ ქვეშ.

გიორ. ჩემი სახლი მუღამ ღიაა შენთვის. მეც ვგრძნობდი, რომ ამ თქვენ უფუნურ მოქმედება კარგი დასასრული არ ექნებოდა.

ალოლ. მშვიდობით დიო! ბედი არ გვწყალობს, რომ ჩვენ ერთმანეთს დავგამეგობროს.

დიოგ. (აღფრთხვანებით) სურთ წამართვან შენი თავი! ეს საკმარისი იყო ჩემთვის. ეხლა კვლავ უშენოდ ცხოვრება არ შემიძლია. სულ მცირედი მიზეზი საკმარისია, რო-

გელიც საფრთხეს უქ. დის ჩვენს სიახლოვეს, რომ ისევ, თავ დავიწყებით მივეცე შენს სიყვარულს.

ალოლ. (თრთის) არა ჩემი აქ დარჩენა აღარ შეიძლება!

დიოგ. შენ ეხლა ისევ მიუწლომელი ალოლი ხარ! ჩემს სულში ისევ იფეთქა მიმქრალმა ვნებამ, ვერავინ ვერ მომტაცებს შენს თავს.

გიორ. წავიდე გავიგო მაინც რა ხდება იქ-
ალოლ. მეშინია! ნუ მიდიხარ! არა გავინონ რა?

გიორ. ვინ რას გამიბედავს (გაღის).

დიოგ. გაიქცა. დაგტოვა ერთგულმა ბიძამ, გზა დაგილოცა წამებისაკენ, ისე როგორათაც ერთხელ მონასტრისაკენ.

VIII

იგინივე დედა და ლიზა

ლიზა. მოდიან! მეშინია!

დედა. აი თქვენი ურჩობის, წამოდით, დაიძალეთ საღმე.

დიოგ. ჩემს სულს ეხლა ეწვია აღფრთოვანება და დავიშალო?

IX

იგინივე და

სტენანზე რამოდენიმე გლეხი შემთავრება მათ შორის არის საბა ნაჯახით.)

დიოგ, რა გნებავეთ?

საბა. როგორ თუ რა გნებავეს, ურცხვებო! გარყვნილებო! თქვენი ცოდვები ჩვენ უნდა ვზიდოთ?

ერთი გლეხი. ჩვენი ნაშრომ-ნაღვაწი ნიაღვარმა და სეტყვამ შთანთქა. თქვენა ხართ ყოველივე ამის მიზეზი. თქვენ დაარღვიეთ სჯული და ღმერთი ჩვენზეც განრისხდა.

დიოგ. ხა! ხა! ხა! ნუ თუ თქვენი ღმერთი ისე უძლურია, რომ პირდაპირ მე ვერასფერი შემებდა? მერე თქვენ როგორ ბედავთ ჩემთან მოხლოებას?

საბა. ხმა გაკმინდე შე გადარეულო, შენა?

ალოლ. (გაფითრებული ეუდნობა დიოგენს) შემობრალეთ ქვრივ-ობერი, ნუ დამლუბავთ?

საბა. შეხედეთ იმ ურცხვს რაეა გველივით ცხვევა ყელზე? (ხმაურობა თან და თან

დღიურდება, სცენაზე შემობრბის ჰლატონი მი-
ვარდება საბას და ხელიდან ნაჯახს გამოსტა-
ნებს).

პლატ. ბებერო ძაღლო შენც კიდევ სხვას
ელავები სჯულის შეურაცყოფაში?

საბა. შენ ვისი რა ხარ რომ ამით ექო-
მაგები? არც შენ ხარ ჩვენში გასაჩერებელი.

პლატ. (ხანჯალს ამოიღებს) გირჩევთ დაბრუნ-
დეთ უკან.

ხმები. ჩავქოლოთ ურწმუნონი! სიკე-
დლიი ღვთის მგმობთ.

დიოგ. (ხელს ხევეს აღოღს) ვინ რა
იციხ, რა ვნების დაუშრეტელი სიძლიერეა
ამის სხეულში, ვინ იციხ რა საამური სიო
ირხევა ამის წმამწამებში. (ფანჯრიდან) ხალ-
ხნო!

ხმები უსჯულო! ღვთის მგმობი!

დიოგ. ხალხნო! (სასურავეებს და კედ-
ლებზე ქეხები ეტემა. ფანჯრიდან შემოვარდება ქვა
და იატაკზე დაეცემა)

ლიზა. მიშველეთ (იკიფლებს და გულ-
შეღონებული დაეცემა).

დიოგ. (აიღებს ქვას და გულზე მიიერ-
დნობს) აი, იმ ძეგლის დასაწყისი, რომელიც
სურს ხალხს, რომ ჩვენ ვნებით წამებას ძეგ-
ლად აუგოს

ხმები. დაგწვით! ცეცხლში გამოვსწვით
უსჯულონი!

დიოგ. მოგვკვით ალოლ დეე, მიეცეს
აღსასრული ჩვენს წამებასაც. მოგვკვდეთ. ამ
სოფელში საშვილი შვილო ზღაპრად დარჩე-
ბა, თუ როგორ დაიღუბა ჩვენი სული ვნე-
ბის ბრქუალებში მომწყვდეული.

ხმები. მოგვკლათ! სიკვდილი მიაგათ!
(ჰლატონი კარებთან სდგას ხანჯლით ხელში და
ბრბოს შემოსვლას წინაღმდეგობას უწყებს)

დედა. შვილებო (გულ შეღონებული დაე-
ცემა).

დიოგ. (გულ შეღონებული ალოლი გულზე
კავს მიერდნობილი) ალოლ! ჩვენ სულის წა-
მებას მაინც არ ქონდა მოსვენება ვნების ბრ-
ქუალებში. ესენი მაინც იქნებ დავიხსნათ სიკე-
დლიისაგან! (იატაკებს ხელში ალოლს, უკან-
სკნელად ატოტებს და ფანჯრიდან გადაისვრის,
შემდეგ თვითონაც გადაეშვება ძირს, კიუინი და
სმაურობა თან და თან დღიურდება.)

მთ. ხომალთი

ფარდა
(დასასრული)

ქართული მუსიკა

და ჩვენი კომპოზიტორები

წერილი პირველი*)

ჩვენს საღმრთო მუსიკას ბევრი დაუინტერესე-
ბია, როგორც ქართული, აგრეთვე უცხოელ-
ნიც. გამოუკვლევიან მისი თავისებურება, გადა-
უღიანო ნოტებსე საღმრთო სიმღერები და საეკ-
ლესიო საგალობლები. ამასთანავე ერთად, ამ ბო-
ლო დროს გამოგვიჩნდნენ აგრეთვე ისეთი მუსი-
კოსნი, რომელნიც არა კმაყოფილებიან სიმღე-
რების ნოტებსე გადაღებას, და, რამდენათაც ნი-
ჭი შესწევთ, მიხედავან ქართული ხასიათის მი-
ესების თხზვას.

მგანი დროს ანგარიში ვაუწიოთ მათ, ად-
ვნიზნით თითოეული კომპოზიტორის თავისებურ-
ობა და გავანჩიოთ ცალკეცად მათი ნაწარ-
მოები.

მიზნად არა მაქვს ვრცლად შევესო ჩვენი
კომპოზიტორების შემოქმედებას; გეტოღინებათ,
ნოტების უმეტესი ნაწილი არ არის დაბეჭდილი,
მეორე, კონტრტები მეტად იშვიათად იმართება,
რომ ერთი და იგივე ნაწარმოები რამდენჯერმე
მოგვისმინოთ ზოგ კომპოზიტორებსე სომ მარ-
ტო გაზეთები ვგაწვდიან ტნობებს: იმის გარდა,
რომ ნოტები არა აქვთ დაბეჭდილი, არც კონ-
ტრტში მოგვისმინია მათი ნაწარმოები. ამიტომ
განვიძიძასე მხოლოდ ადვრუსხო თითოეული კომ-
პოზიტორის თავისებურება და ვაკვრით შევესო
ზოგიერთ მათ ნაწარმოებს.

პირველი ადგილი ჩვენს კომპოზიტორებში



დ. არაუიშვილს უჭირავს. დმერთს
დიდი ნიჭით და ნამდვილი შე-
მოქმედების სულით დაუჯილ-
დოვების. ეს ერთად ერთი კომ-
პოზიტორია (ქართული), რ-
მელსაც ნიჭთან ერთად ტენი-
კაც საუნდხოვით განუყოფია.
ამითი ახსენება ის გარემოება,

რომ მის ნაწარმოებს ეთნოგრაფიულ თვალსაზ-
რით კი არ ვისმინთ, არამედ როგორც ჩვეულებ-
რივ ნიჭიერ კომპოზიტორის მუსიკალურ მიე-
სებს. თავის ნაწარმოებს უმეტესად ქართულ
სწარსულ ხასიათს აძლევს და სარგებლობს ეგრეთ
წოდებულ რარისტოკრატიულ ჟანრის“ კიდეებით.
მოგვსენებათ 17-18 საუკუნებში ქართულ-გა-

ხეთში სპარსული კულტურა გაშეფდა. უშირველესად მეფეების სასახლეში შემოიღეს სპარსული სწავლება, ჩანა-დახურვა, ღიბრატურა და მუსიკა. მეფეების კარიდან სპარსული ჩვეულებები თავდა-სწავლობაში გადავიდა. ქართველებმა სპარსული კილოება შეითვისეს, საგრძნობ თან ქართული ელფერიც მისცეს. ესეთი ხასიათი აქვს „თქმულება შოთა რუსთაველზე“ — აბუჩის შესაჯავს, მუსიკალურ სურათს „სახანდართა შორის“ (იგივე „ორმუხლის პიშინი“) და სხვ.

აგრედვე უნდა აღვნიშნო, ზოგი მისი ნაწარმოები წმინდა ქართული ხასიათისა, მაგ. სტენა თამარისა და შოთა რუსთაველისა ხორთი აბუჩიდან „თქმულება შოთა რუსთაველზე“. ამ სტენაში აღსანიშნავია მშვენიერი და ნამდვილი ქართული რეზისტანტივი შოთა რუსთაველისა. მგონია, ეს ადგილი მთელი ქართული მუსიკის შედგენი უნდა იყოს. ქართველ საზოგადოებას სულ ორჯერ (ერთი კონცერტზე) მოუსმენია ეს ადგილი, მაგრამ არა მგონია, აუ ვისმეს კიდევ დაგვიწებოდეს. სხვა მის ნაწარმოებს აქ აღარ შეგვხვებით და სხვა კომპოზიტორზე გადავადო.

მეორე კომპოზიტორი, რომელზედაც ახლა გვექნება ბასია — ზ. ფაღიაშვილია. ცნობილი, როგორც ავტორი პირველი ქართული აბუჩისა „აბესალომ და ეთერი“. თუმცა ნიჭი ისე სეფს არ უწეობს, როგორც არაფიშვილს, და არც ტეხნიკა აქვს ისე განვითარებული, მაგრამ არც ერთ ჩვენს კომპოზიტორს ისე არ შეუთვისებია ქართული ხალხური მუსიკა, როგორც ამ კომპოზიტორს. სხვა ნაწარმოების წერა არ ეხერხება, თუ არა ქართულისა. საგრძობებს მარტო ქართული ჭანგებით და მთელი მისი აბუჩა (რადენათაც ნაწვეტიბიდან სხანს) წმინდა ქართული ხასიათისაა თავიდან ბოლომდე, ავიღოთ მაგ ხორგელი ხორა „ავანდილ ვადინადირა“. მსმენელმა არ იცის ქართული ხალხური სიმღერა თუ კომპოზიტორის შეთხზული. ეს სორა უნდა ჩათვალოს პირველ ხალხურ, კომპოზიტორისაგან შექმნილ, ქართულ სიმღერად, ზ. ფაღიაშვილს საერთოდ ხორგების და ხმის ანსამბლების წერა



უფრო ეხერხება, ვიდრე სოლოების. ამიტომ არი, რომ მის ხორგებს და ანსამბლებს დიდი შთაბეჭდილება მოუხდენიათ მსმენელებზე (მაგ. „აბის შეფის ქება“, „მესამე მოქმედების დიდი ფინალი“, კვარტეტი და სხ.), სოლოები კი მერთალი და უფერული გამოდგანან, თუმცა აქაც წმინდა ქართული ხასიათის დაცული, მაგ. ეთერის ანთონო პირველ მოქმედებაში და აბესალომის დიდი არია მესამეში, თუმცა წმინდა ქართული ხასიათი დაცულია მხოლოდ ტონის გამოცვლამდე.

აქ არ შემიძლია აგრედვე არ შეგვეთ მხატვრულად დამუშავებულ ხალხურ სიმღერებს. უმეტესი ნაწილი ჩვენი და უცხოელი კომპოზიტორებისა, რომელიც მხატვრულად დამუშავებისათ ქართული სიმღერები, ხორთს უცვლელად ამღერებს ხალხურ სიმღერას (მაგ. ფონტეკრაშვილი), ცვლილება მხოლოდ ორკესტრის პარტიაში შეაქვთ. ზ. ფაღიაშვილს კი ცვლილება, როგორც ხორთს პარტიაში შეაქვს, აგრედვე ორკესტრშიც მხოლოდ ქართულ ხასიათს არ აკარგვინებს (მაგ. „ალი ფაშა“). ასე რომ მისგან დამუშავებული სიმღერები უფრო წააგვანან ფანტაზიას ხალხურ სიმღერებზე*). აღსანიშნავია აგრედვე ამ სიმღერების მშვენიერი ორკესტრაცია. თუმცა საერთოთ ორკესტრაცია მოუსუსტებს. ამით გავითავებ ზ. ფაღიაშვილზე ლანარაკს და ესაა ფონტეკრაშვილზე გადავად.

არც ერთი ქართველი კომპოზიტორის კონცერტი არ გამოიწვევს ხოლმე ისეთ ალიაქიას და ვუანს ჩვენს საზოგადოებაში, როგორც ფონტეკრაშვილისა. კონცერტის მოლოდინში დიდი სიამოვნებას და კმაყოფილებას განიცდით, რომ კონცერტებზე დასტებებით დახირებული განდიობულ ნაწარმოების შესრულებით. თვით კონცერტით კი უკმაყოფილო რჩებით. რა არ ს ამის მიზეზი?



ფონტეკრაშვილი უმეტესად არა კმაყოფილება უბრალო ფორმებს და მალე ფორმებისკენ იწვევს, მაგრამ, სწორედ ის ნაწარმოების სადაც კომპოზიტორი შაბლონარ განცილება, უფრო მეტ შთაბეჭდილებას სტოვებს მსმენელზე, ვიდრე მისი განდიობული ნაწარმოები. მაგ. მისგან დამუშავებული ხალხური სიმღერები (აღსანიშნავია „ალიაქა“), ნათუ-

* ვებუდათ ამ წერილს. თუმცა ავტორის ზოგიერთ აზრს არ ვეთანხმებით.

ღას სიმღერა და ზოგიერთი საეკლესიო საცხლობელი („დიდება მადლთა შინა“ და „დიდება“), მკვამ, რაკონტა ვთქვით, კომპოზიტორს ესეთი ნაწარმოებები არ აკმაყოფილებს და განდიობს უფლებს მიესწავს. ამ გვარ ნაწარმოებში მხოლოდ გეგმა რჩება განდიობს; გეგმის სისრულეში მოყვანისთვის, კომპოზიტორს არც ნიჭი უწევს ხელს და ტექნიკასე ღაზარაკი ხომ მეტი. აი მაგალითები: თავის კონტრტუბზე რამდენჯერმე გაანჩის სიმეფანიურა ვაქმა „თქმულეა ამირანზე“. განცხ საზოგადოება, თუ ამა და ამ ადგილით რის გამოსატვა უნდაღა. თვით განრევა უფრო საინტერესო გამოდგა, ვიდრე განრევის შემდეგ შესრულებული ვაქმა. მიზეზი ის არის, რომ მელოდები მოკლე აქვს, მკრთალი, უფერული, თუმცა ირიგინაღური, და არც განვითარებული; ამ ნაკლის დაფარვაში არც ტექნიკა უწევს ხელს. ესევე უნდა ითქვას მკრთალ-მკრთალის ნაწარმოებზე (აღსანიშნავია „დიდება რმზს“).

რმზსი „განთადით“ ქართული რმზსი უნდა შეექმნა. პირველი ნაწილი რმზსისა აგებულია ქართული ლექსის კითხვის ძველებურ მითვისზე; მორე ნაწილის მელოდია კი მეტისმეტი მკრთალი, ნაძლადეგია და არც ქართულს წაგავს.

საერთოდ ეს კომპოზიტორი ჯერ ძიებაშია და მის შემოქმედებას საკუთარი ფიზიონომია არ მიუღია.

ამით გაგათავებთ პირველ წერილს ქართულ კომპოზიტორებზე და შემდეგ წერილებში სხვა-გვანი კომპოზიტორების მოქმედებას შევეხებით.

ვ. რატიშვილი



„ვი შ! ქ ა?!“

კარებში შემოაბრაძუნა გიგლამ, კინალამ წაშრიქა კიდეც. ოთახში ჯერ ბაშმკები გამოჩნდნენ, შემდეგ გიგლა. ეს ძველი ბაშმკები, „მოდურები“, ოდესღაც ეკუთვნოდნენ კნ. მართას მეორე ვაჟს და ახლა ვიგლას ჩაააცვს. ივინი წარსული „მოდისანი“

*) ეს აზრი, მგონი, პატივცემულმა ი. კარგარეთელმაც გამოთქო.

იყვნენ, ძალიან გძელები. პაქუა ძაღლის ცხვირით წაქრილები, ზემოდამაც ცხვირზე ამობურთული კოპიჭებით. რასაკვირველია, რადგან გიგლას ფეხებზე სამჯერ მიინც გძელეები იყვნენ, გიგლასაც კანკებზე მაგრა ჰქონდა დაბმულები ბაშმკები თოკებით. ვაი ყავლახით დააბრაძუნებდა გიგლა, არა ერთხელ გადაუვლია ყირამალა ვადახლართულ გძელი ბაშმკებით. ახლაც მარდათ შემოაბრაძუნა კნენას ოთახში.

— რა გნებავთ, ქალბატონო?

— რა იქნა, ბიჭო, კობი?

— რა კობი ქალბატონო, ქალამნისა?

— მამაშენსა აქვს ცხოვნება! ქალამნის კობი კი არა, აი ჩემი ჩიხტის კობი.

— როგორია, ქალბატონო?

— ბიჭო, შე დასაბრმავებლო, არ ვინახავს კობი? აი ეგრე გურგვალია, ჯერ სქელი და მერე ნელ-ნელა წვრილდება, რბილია, მოთეთრო ფერი აქვს.

— ჰო, გურგვალია, ქალბატონო. როგორ არ მინახავს, დილასაც აი მარანში ციციები ათამაშებდნენ.

— უი, დამიდგა თვალეები, რაღა მეშველება, თუ დამიფხრიწეს.

— ჰო, გურგვალია, ქალბატონო. როგორ არ მინახავს, დილასაც მარანში ციციები ათამაშებდნენ.

— უი, დამიდგა თვალეები, რაღა მეშველება, თუ დამიფხრიწეს, ქმეტიც აღარა მაქვს გარშემო სძინავთ, ვის გამოვართმევ. ბიჭო, სოსი, სოსი! ჩქარა მარანში მონახე, კატებს კობი გაუტაცნიათ. აბა, ჩქარა, გიგლავ, ჩაის ჯამი, ერთი სტაქანი ჩაი თუ არ დავლიე, არ შემოძლიან არსად გასვლა. აი დაგწყველოს წმინდა ნიკოლოზის ხატმა შენ, არტემა ძაღლო, შენა, რაც მე ვწვავლობ ამ „სულდებში“ ტარებით.

— რა ამბავი გაქვსთ, ქა? არ დამაძინებთ?

— ვიშ, შვილო, რა ვქნა. გაუზმეს მავ მეღუქნე არტემას თავი. ეს მეხუთედ მივდივარ სულში ამ შვიდი წლის განმავლობაში. დაუდგეს თვალი, ოთხჯერ „მიროვოი სულში“ მოუგე საქმე. არა უშავსრა, იმ ცივ ზამთრე

დში ხომ მატარა 30 ვერსის მანძილზე ქოდ — ში „მიროვოი სულში“, ეხლა კიდევ ამ 25 ვერს-საც გავივლი და ავალ ქ. სი — ში „ოკრუნი სულში“: რო მოკვდეს, თავისას არ გავაყვანი-ნებ მაგ არტემა ძაღლს, მაგას. როგორ, შვი-ლო? მაგან ჩემი მარნიდან ქაქა-თხლე გაი-ტანა, არაფერი არ მომცა და საქმე სასულდო-თაც გამიხადა! აი გაუსქდეს ის მუცელი, ისა, რომ მე ვგ არ ვაფარფაშო, ვგ პოია ვგა, და-საბრმავებელი! მაშ მე მართა არ ვიქნები და კნენობაც ჩამომერთვას, თუ მაგ არტემა ძა-ღლშა თავისი გაიტანოს!

— ეჰ, შენ კიდევ, დედავ! აგერ მეშვი-დე წელიწადია, რაც მაგ საქმეზე დასდინარ და ყოველთვის მითხოვნია, მოიტა ერთი მა-გას ლაზათიანად ავადებ და მანიფესტი გამო-ეცი, საქმე მოშალე. რატომ არ მიგონებ. მე და ჩემმა ღმერთმა, ქაი, ეს ჩემი მუშტი, ერთი აი ქვევითა ფერდი რომაქვს, ერთი მოვცხებ, თუ სუპკარაპეტი მთავარანგელოზად არ მო-ეჩვენოს, მაშ მე კაცი არა ვიყო.

ღიანაც რომ ვაქვაცი შვილი ჰყავდა კნ. მართას უფროსი, 25 წლისა, და არა ნაკლები ვაქვაცობით უმცროსი ვაჟიც, რომელიც ქა-ლაქში ჰყავდა. ეს ორი ვაჟი რა ვაივავლახით გამოზარდა თავის ქვრიობაში და შრომამ მუქ-თად არ ჩაუარა. თუ ნებას მისცემდა, არა ერთხელ მისცხებდნენ მისი ლამაზი შვილები არტემას, მაგრამ დედის გული ფრთხილობდა; ვინ იცის, რა მოუვა არტემას უფროსი ვაჟის მუშტის შემდეგ და იიც ქვევითა ფერდში.

— არა, შვილო, თავი დამანებე, მე ჩე-მი სიცოცხლე პატიოსნების თაყვანისმცემელი ვიყავი. 17 წლისა მარტოდ დავრჩი ქვრივი. ქნობამდის სიმართლისათვის არ მიმტყუნია., ამ ქაქა-თხლის საქმეში მე მართალი ვარ და პოია არტემას მეგე უნდა გაუმკლავდე. ეს ოთხჯერ ხომ მოუგე საქმე, ეხლაც ღმერთია მოწყალე, ეხლა კიდევ ოკრუნი სულში უნდა მოუგო, გავაშავო ვგ არ გასაშვები, ვგა ..

— რაქვანა, რა იქნა სოსია! ბიქო, სოსი, სადა ხარ!

— აქ გ ხლავართ, ქალბატონო! ეს და-ღუბულები, აქ სად შემხტარან, მალლა. მე და გიგლას ვერ დაგვიქერია. დახე, დახე,

ქალბატონო! რას უშვრებიან ი კოპს, ათა-მაშებენ!

მართლაც, მარანში, მალლა გაწყობილ ფიცრებზე ორ კატას გრილი გაჰქონდათ, იქვე კნენინას კოპი ეგდო, ხან ერთი შეათა-მაშებდა თათებით, ხან მეორე.

მალე ერთად არჩევდნენ კითხვას, კნეი-ნა, უფროსი ვაჟი, სოსია და გიგლა, როგორ ჩამოეღოთ კოპი. ბოლოს სოსიას კკუამ გასქრა. შემოიტანა დიდი კეტი, მიაკრა ზედ გიგლა, რომლის სიხარულს საზღვარი არა ჰქონდა. გიგლამ ჩამოიღო კოპი! ცოტა დახეული კი იყო, მაგრამ კნენინამ მალე მიაკერ-მოაკერა და ურემშიაც უკვე გაემზადა.

ილო.
(დასასრული იქნება)

ცხოვრება

თუმც ცხოვრებამ მარგო ავი ბედია, თუმც შუბლ-გახსნით ჯერ არ გამიხედია, — არ შეგნატრი მაინც განცხრომის ძეთა, მარად ლხინში რომ ატარებს თვის დღეთა. მე ცხოვრება არ მსურს ერთფეროვანი, რომელსაც რომ არ აქვს ლტოლვა, მიზანი, რომელიც რომ ქაობივით მკვდარია, და არ იძვრის მასში ყოფნის ქარია. შემეყვარდა ტანჯვა, ბრძოლა და ლტოლვა, მომავალის იმედებით წინ ქროლვა, უკუ ვაგდე კნენსა, ცრემლი და სევდა, მარად ტანჯვით გულიც გამისალკლდედა. დე, ვისაც სურს იამაყოს განცხრომით, მე ვამაყობ ტანჯვით, ბრძოლით და შრომით, რას მაქვიან ლეშათ ნებირება! — სიფხიზლე და ბრძოლა — აი ცხოვრება!

ღრუბელი

„თეატრი და ცხოვრების“

ფონდის გასაძლიერებლად

1 **სახელოსნო** სკოლის მოწაფეთა შო-რის მსახიობ გ. გედევანოვის თაოსნობით შე-კრებილი 6 მ.

2 **რ. გ. ალელი — საგან** » 50 კ.

3 **თ. დ. ე. ჩოლო — საგან** 2 მ.

4 **კ ტყავაძისაგან** 10 მაი.

რედაქციაში ემომწირველთ გულითად მადლობას უძღვნის.

მგოსანი

გ. ქუჩიშვილი

დღეს სახალხო სახლ-ში სალიტერატურო დილას მართავს

იმაჟღერა და მოკლე ხანში გამოვა

შესო სიტყვათა ლექსი მნი

შედგენ. იოსებ იმედაშვილის მიერ, მეორედ შეესვეულ-შესწორებული. მოვარაყებული ყდით, ხელის მოწერით ღირს 2 მ. 50 კ. გაწერვა კიდევ შეიძლება: Тифлисть. ред. „Театри да Цховრება“—Иос Имедашвили.

ხარუხუხის საზოგადო კლუბი

- ორზაბათი—სინემატოგ. სიმეზ. ორკ.
- სამზაბათი—სინემატოგრაფი: სიმეზ. ორკეს.
- ოთხზაბათი—ქართული წარმოდგენა,
- ხუთზაბათი—ოპერეტა რუსულ ენაზე.
- პარასკევი—სოჯახო საღამო
- ზაბათი—რუსული წარმოდგენა
- კვირა—სიმეზიანი ორკესტრი

შესასვლელი ფასი: ქალები და სტუდენტები - 25 კ. მამაკაცი 50 კ.
დასაწყისი: წარმოგენა—კონცერტების—სინემატოგრაფ—სალ. 8 ნახ ს.

ახალი კლუბი

კვირის პრ. მარტის 5-12

კვირა—რუსული წარმოდგენა. ბილეთი 50-30 კ.

ორზაბათი—ოპერეტა. ბილეთები: 1 მ.-50

სამზაბათი—სოჯახო საღამო

ოთხზაბ.—სინემატოგრაფი. სიმეზ. ორკ.

ხუთზაბ.—ქართ. წარმ. ბილეთები 50-30 კაპ.

პარასკ.—ოპერეტა. ბილეთები: 1 მ.-30 კ-დე

ზაბ.—სოჯახო საღამო

კვირა—რუსული წარმ. ბილეთ. 4-30 კ.

დასაწყისი: კონცერტებისა საღამ. 9 სათ. წარმოდგენისა და სინემატოგრა. სალ. 8 1/2 სა. შემსახ. ფასი მანდილოსნ. 50 კ. მამაკაც. 1 მ.



V წ. მიიღება ხელის მოწერა 1917 წლისათვის V წ.

სათეატრო-სალიტერატურო, სამახტვრო წლიური ხელის მომწერნი მიიღებენ ორ პრემიას

თეატრი და სსოპრება

(წელიწადი შეხუთე)

გამოვა სრული პროგრამით, უკვე ცნობილი რედაქციით

შურონალი პარტიათა გარეშა, კომპრესიული მიმართულება

უუნალში მონაწილეობას მიიღებენ ჩვენი დაისახარებული და ხალგაზრდანი ჭიერი მწერლები: მგოსნები, კრიტიკოსები, მუსიკოსები, ამხატვრები

შურონალის ფასი ორადე პრემიით წელიწადში დირს 8 მან. ნახევარის წლით, მახ. 50 კაპ. თითო ნომერი უედეგან 15 კაპ ფულის შემოტანა ნაწილ-ნაწილად შეიძლება: ხელის მოწერის დროს 3 მ, 1-მასამდე—3 მ. 1-ელ ენკენისთვემდე 2 ხელის მოწერა მიიღება: თილისში, „სორაპნის“ საზოგადო კანტორაში (მადათვის კუნძული, № 1, ვორონცოვის მეორე ხიდის ყურში). ქალაქ გარეთ ხელის-მომწერთ ფული უაღამოგზავნონ შემდეგის მისამართით: Тифлисть, ред. „Театри да Цховრება“ Иосифу Имедашვილის რედაქტორ-გამომცემელ ანნა იმედაშვილისა

აკაკის „ნაპრეზები და ბრძნული სი-ტყვეობი“ ავტორის სურათებით, ფაქსიმილეთი და ბიოგრაფიით.

გ. ლომთთიის „ჩაული აზრები“ ავტორის სურათით, ფაქსიმ. და ბიოგრაფიით.